



Теңізшевройл Деректер мен дәйектер

2019 жылдың бірінші тоқсаны бойынша мәлімет

Тарих/Қатысушылар:

- Әлемдегі ең терең және ірі мұнай кеніштерінің бірі болып саналатын Теңіз мұнай кеніші 1979 жылы ашылды.
- «Теңізшевройл» жауапкершілігі шектеулі серіктестігі (әрі қарай - ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды.
- ТШО-ның қазіргі кездегі серіктестері: «Шеврон» – 50%, «ҚазМұнайГаз» ҰК АҚ – 20%, «ЭксонМобил Қазақстан Венчурс Инк.» – 25% және «Лукарко Б.К.» – 5%.

Өнім өндіру/Қорлар:

- Жалпы барланған қоры жөнінен Теңіз кенішінде 3,2 миллиард тонна (25,5 млрд. баррель), ал Королев кен алаңында 200 миллион тонна (1,6 млрд. баррель) шамасында мұнай бар деп есептеледі.
- Теңіз және Королев кеніштерінен алынатын мұнай қоры 890 миллионнан 1,37 миллиард тоннаға дейінгі мөлшерді (7,1 - 10,9 миллиард баррель) құрайды.
- Теңіз коллекторының ені 20 шақырым (12 миль), ұзындығы 21 шақырым (13 миль).
- ТШО 2008 жылы Шикі газ айдау және Екінші буын зауыты (ШГА/ЕБЗ) жобасын аяқтап, нәтижесінде мұнай өндірудің тәуліктік көлемі шамамен 75 000 тоннаға немесе 600 000 баррельге, ал, табиғи газ 22 миллион текше метрге немесе 750 миллион текше футқа жетті.
- 2019 жылдың бірінші тоқсанында мұнай өндіру көлемі 7,6 миллион тоннаны (60,7 миллион баррель) құрады.

Денсаулық сақтау, өнеркәсіп қауіпсіздігі және қоршаған ортаны қорғау

- 2000 жылдан бері ТШО қоршаған ортаға әсерді азайтуға бағытталған жобаларға 3,1 миллиард АҚШ доллар көлемінде қаржы бөлді.
- Қазіргі таңда ТШО өндірілген газдың 98%-дан астамын кәдеге жаратуда.
- Жабдықтың сенімділігін арттыру шараларына жұмсалған инвестициялар 2000 жылдан 2019 жылдың бірінші тоқсанына дейінгі аралықта зауыттардағы техникалық ақаулар санын және алауда жоспардан тыс және технология бойынша шарасыз жағылатын шикі және қышқыл газ көлемін 98%-ға азайтуға мүмкіндік берді.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 71%-ға азайды. ТШО күрделі жобаларды жүзеге асыру және жабдықтардың сенімділігіне жасалған инвестициялар нәтижесінде аталған мерзім ішінде жылдық мұнай өндіру көлемін 2,7 есе арттырды.

ТШО өнімінің өзге түрлері:

- 2019 жылдың бірінші тоқсанында ТШО сұйытылған газ сату көлемін шамамен 330 мың тоннадан асырып, құрғақ газ сату көлемін 2,4 миллиард текше метр, ал күкірт сату көлемін 660 мың тоннаға жеткізді.

Қазақстан Республикасы үшін артықшылықтар:

- 1993 жылдан 2019 жылдың бірінші тоқсанына дейін ТШО-ның Қазақстан Республикасына тікелей қаржы төлемдері 137 миллиард АҚШ долларынан астам соманы құрады. Бұған ТШО-ның жергілікті қызметкерлеріне төленген еңбекақы, қазақстандық тауар өндірушілер мен жабдықтаушылардың өнімдері мен қызметтерін сатып алуға жұмсалған қаржы, мемлекеттік кәсіпорындарға аударылатын тарифтер мен төлемдер, қазақстандық серіктеске бөлінген тиісті дивидендтер, сонымен қатар мемлекеттік бюджетке аударылған салық және роялти түріндегі төлемдер кіреді.
- 2019 жылдың бірінші тоқсанында Қазақстан Республикасына төленген тікелей төлемдердің көлемі 2,5 миллиард АҚШ доллардан асты.



Теңізшевройл Деректер мен дәйектер

2019 жылдың бірінші тоқсаны бойынша мәлімет

- 2019 жылдың бірінші тоқсанында ТШО қазақстандық тауарлар мен қызметтерді пайдалануға 1 миллиард АҚШ доллардан астам қаржы жұмсады, оның 785 миллион АҚШ доллардан астамы ККЖ-ҰЕҚБЖ аясында жұмсалды.
- 1993 жылдан бастап ТШО қазақстандық компаниялардың 29 миллиард АҚШ доллардан астам қаражатын құрайтын тауарлары мен қызметтерін пайдаланды.

Қызметкерлерді шыңдау:

- Негізгі өндіріс пен ККЖ-ҰЕҚБЖ жұмыс істейтін қазақстандық қызметкерлердің үлесі 80,9% құрайды. ККЖ-ҰЕҚБЖ жұмысшыларын есепке алмағанда, ТШО-да қызметкерлердің 88,4% қазақстандықтар құрайды. 1993 жылы бұл көрсеткіш 50% құраған.
- ТШО-дағы жергілікті ұлттық басшылардың, жоғары және орта буын жетекшілерінің үлесі жалпы басшылық құрамның 61,5% құрайды. Кадрларды оқыту және шыңдау жөніндегі тұрақты бағдарламаны жүзеге асыру нәтижесінде жауапты басшылық лауазымдарға тағайындалған жергілікті қызметкерлер қатары көбейе түсуде.

Әлеуметтік салаға үлес:

- 1993 жылдан бастап ТШО өз қызметкерлері мен жергілікті тұрғындардың игілігі үшін Атырау облысының әртүрлі әлеуметтік жобаларына 1,7 миллиард АҚШ долларынан астам қаржы жұмсады.
- «Игілік» ерікті әлеуметтік инфрақұрылым бағдарламасының 2019 жылғы бюджеті 25 миллион АҚШ долларын құрайды. Аталмыш қаржының негізгі үлесі Атырау облысында балабақшалар, мектептер және басқа да әлеуметтік нысандардың құрылысына жұмсалады.
- 2019 жылы Атырау облысының денсаулық сақтау және білім беру салаларына қолдау көрсету мақсатында ТШО-ның әлеуметтік инвестициялар бағдарламасына 1 миллион АҚШ долларынан астам қаржы бөлінеді.

Келешек кеңею жобасы - Ұңғы ернеуіндегі қысымды басқару жобасы

Жалпы мағлұмат

- 2016 жылы ТШО Серіктестері Теңіз кен орнының өндірістік қуаттылығын арттырудың келесі кезеңі болып табылатын Келешек кеңею жобасы мен Ұңғы ернеуіндегі қысымды басқару жобасын (ККЖ-ҰЕҚБЖ) қаржыландыруға қатысты қорытынды шешімнің қабылданғаны туралы хабарлады.
- Тиімділікке қол жеткізу және шығындарды азайту үшін ККЖ мен ҰЕҚБЖ жобаларының құрылысы қатар жүзеге асырылады.
- ТШО-ның сәтті жүзеге асқан ШГА/ЕБЗ жобасының негізінде, ККЖ мұнай өндіру көлемін жылына шамамен 12 миллион тоннаға немесе тәулігіне 260 мың баррельге арттырмақ. Мұнай өндірудің жалпы көлемі жылына шамамен 39 миллион тоннаны немесе тәулігіне 850 мың баррельді құрайды.
- ҰЕҚБЖ кеніштегі ұңғы ернеуіндегі қысымды төмендетіп, өнім зауытқа жеткен кезде қолданыстағы алты технологиялық желінің кіреберісіндегі қысымды көтеру арқылы Теңіз кен орнындағы қолданыстағы зауыттарды толық қуатта ұстап тұратын болады.

Қазақстандық қамту

- Ел аумағында ККЖ-ҰЕҚБЖ шеңберінде 45 000-нан астам қазақстандық азамат еңбек етеді, бұл Қазақстандағы жалпы жоба қызметкерлері санының 91%-ын құрайды.
- ТШО қазақстандық компанияларды ККЖ-ҰЕҚБЖ аясындағы жобалау, сатып алу, құрастыру жұмыстарына жұмылдырып, осы күнге дейін 2 100-ден астам қазақстандық компанияны алдын ала іріктеуден өткізді. Соның ішінде 500-ден астам Қазақстан Республикасында тіркелген компания ККЖ-ҰЕҚБЖ жұмыстарына тартылған. Техникалық мүкіндіктерді бағалау мақсатында 160-тан аса қазақстандық компания араланды. 2019 жылдың 1-тоқсанында қазақстандық қамтуға жұмсалған қаражат көлемі 785 миллион АҚШ долларынан асып түсті. ККЖ-ҰЕҚБЖ



Теңізшевройл Деректер мен дәйектер

2019 жылдың бірінші тоқсаны бойынша мәлімет

аясында жобаның басынан бастап ҚҚ-ға жұмсалған жалпы қаражат көлемі 6,2 миллиард АҚШ долларын құрады.

Әлем бойынша жобаның жұмыс барысы

- Негізгі өндірістік нысандар жобаланып жатыр.
- ККЖ-ҰЕКБЖ жабдықтарының негізгі бөлігі Қазақстанда, Оңтүстік Кореяда және Италияда жасалуда. Жабдықтар модульдерге орнатылғаннан кейін, олар Теңіз кен орнына түпкілікті жиналып, монтаждалуы үшін тасымалданады.
- Құрастырмалы модульдік эстакадалар Қазақстандағы «ЕРСАЙ» өндірістік алаңында монтаждалуда. 2018 жылы Теңіз кен орнына 28 құрастырмалы модуль эстакадалары жеткізілген. 2019 жылы жөнелтілетін құрастырмалы модуль эстакадасының алғашқысы наурыз айында жүктелді.
- Италияның Авенца қаласындағы алаңда «Фрейм 9» газ турбиналы генераторлардың (ГТГ) модульдерін жасау және жабдықтау бойынша жұмыстар жалғасуда.
- Оңтүстік Кореяда модульдерді жасау жұмыстары жалғасын табуда.

Теңіз кен орнындағы жоба бойынша жұмыс барысы

- Теңіз кен орнында жалпы мақсаттағы қызметтер тобы барлық негізгі қызметтерді ұсыну үстінде. Қалған уақытша қосымша және тұрақты инфрақұрылым нысандары бойынша жұмыстарды аяқтауға басты назар аударылуда.
- Басқару және электрмен қамтамасыз ету жүйелері: “Базалық” кіші станцияда құрылыс-монтаждау жұмыстары жалғасуда. Әуемен электр тасымалдау желісін, оптикалық талшықты байланыс желісін және түрлі кіші электр станцияларын салу жұмыстары жүріп жатыр.
- Мұнай жинау жүйесі: Бірінші басымдылықтағы жоғары қысымды мұнай жинау жүйесінің бірінші кезектегі нысандарында құрылыс-монтаждау жұмыстары орындалып жатыр. Бірінші басымдылықтағы жоғары қысымды мұнай жинау жүйесінің нысандарында негізгі құрылыс жұмыстары жүргізілуде.
- ҮБЗ нысанында жалпы құрылыс және жер асты коммуникацияларын төсеу жұмыстары жалғасуда. Сұйыққоймалардың монтажі да жақсы қарқынмен орындалуда. 20 құрастырмалы модуль эстакадасы іргетасына қондырылып, дәнекерлеу жұмыстары жүргізілуде. Барлық үш жиынтықты қазандықтар және Оңтүстік Кореядан жеткізілген алғашқы екі модуль іргетасына орнатылды. ҮБЗ-да 2 ГТГ мен бір технологиялық модуль сәтті түрде қайта жиналды. МЭЖБӨА мердігері “дәстүрлі” құрылыс әдісімен салынатын нысандардағы жұмысына кірісті.
- ШГАҮБ нысанында жалпы құрылыс және жер асты коммуникацияларын төсеу жұмыстары жалғасуда. 2 құрастырмалы модуль эстакадасы іргетасына қондырылып, дәнекерлеу жұмыстары жүргізілуде. Тағы 6 ҚМЭ қоймалау алаңында. МЭЖБӨА мердігері “дәстүрлі” құрылыс әдісімен салынатын нысандардағы жұмысына кірісті.